



**R.P. Petri Laurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

633. Dum concurrerent in funeralibus Archidiaconus, ubi is est prima dignitas, & Archipresbyter, ubi is est secunda dignitas, & nulla stat pro alterius parte consuetudo, cui in via danda præcedentia.

[urn:nbn:de:hbz:466:1-74203](https://nbn-resolving.org/urn:nbn:de:hbz:466:1-74203)

Quaest. 633. Dám igitur de eadem Cathedrali concurrerent in funeralibus Archidiaconus, ubi hic est prima dignitas, & Archipresbyter, ubi is est secunda dignitas, & nulla stat pro alterius parte consuetudo, cui danda quoque in via sit præcedentia.

Resp. dum Archipresbyter, cui incumbit cura animarum, in ecclesia facit officium, defertque stolam, dandam ei præcedentiam ratione stolæ. Pignat. Tom. 4. *consult. 35. num. 8.* Barbof. *jur. eccles. L. 1. c. 24. n. 49.* dicens teste LAVORIO. *Var. lucubr. Tom. 1. tit. 2. c. 3. num. 211.* sic declarasse S. Congregat. Rituum in una nullius sub Trojana 4. Maji 1613. quæ enim dicta sunt *quaest. preced.* de prælatione Archidiaconi, intelligenda, ut dictum *ibidem* ex Pignat. de functionibus pontificalibus curam animarum non concernentibus.

Quaest. 634. Num etiam Archidiaconus Sacerdos in celebratione illa missarum solemni, aliarumve functionum pontificalium sit præferendus Primicerio.

1. **R**esp. primò. Dicta hac super re inter Archidiaconum & Archipresbyterum magis urgent contra Primicerium, aliásque dignitates de jure communi Archipresbytero inferiore Pignat. Tom. 1. *cons. 6. n. 6.* quippe si jus prælationis Archidiaconi in hoc potentius est jure Archipresbyteri, multò magis vincit in hoc eas dignitates, quæ ab Archipresbytero vincuntur. Pignat. *loc. cit. n. 8.* Jam verò Primicerius (de quo est *titul. 25. l. 1.* & cujus officium describitur in *c. unico. h. r.* & sic generatim dicitur ab ordine ceræ, quo nimirum primus scriptus est in tabulis ceratis, seu aliis pugillaribus, vel etiam, qui in quocunque ordine primum locum tenet, & in præsentia, qui primum locum habet tum in choro psallentium, tum in Schola inter Diaconos & Clericos ceteros, & alio nomine in ecclesiis quibusdam vocari solet Scholasticus, vel Cantor, aut præcentor. Pirh. *ad h. r. n. 1.*) est inferior Archipresbytero dignitas de jure communi. Quod ipsum tamen, nempe quòd sit dignitas ecclesiastica vel personatus, intellige, si Primicerius seu Cantor præminentiam habet inter alios Canonicos, seu illos ratione hujus sui officii in Choro, Capitulo, & processionibus præcedat; si enim hanc præcedentiam vel præminentiam non habet, nequam dignitas, sed nudum officium seu administratio censetur. Pirh. *loc. cit. n. 3.* Azor. *p. 2. l. 3. c. 16. q. 6.* Laym. *Theol. mor. l. 4. tract. 2. c. 4. n. 4.* licet hoc ipso beneficium duplex & præbendam pioguiorem obtineat, ut Pirh. ex Laym. *loc. cit.*

2. **R**esp. secundò. Dum in ecclesia aliqua juxta Concil. Tridentini decretum *sess. 24. c. 12.* dignitates ac præbendæ distinctæ sunt in subdiaconales, diaconales, presbyterales, & v. g. Archipresbyteratus est prima dignitas sacerdotalis, Præpositura secunda dignitas sacerdotalis, Archidiaconatus tertia dignitas diaconalis, Primiceratus quarta dignitas sacerdotalis, & ex ejusdem ecclesiæ statuto disponitur, ut functiones pontificales, v. g. in solemnis vespertis

vel missis festivitatum aliquarum exerceantur per Capitulares habentes dignitates & præbendas sacerdotales, easdem exercere spectabit ad Primicerium, & non Archidiaconum, etsi is per accidens Sacerdos sit. Pignat. *cit. cons. 6. n. 10.* attendenda enim in hac materia potissimum distinctio ordinum juxta *c. statuimus. de major. & obed. & ibi DD.* communiter. Adeòque cum Archidiaconus habeat dignitatem ac præbendam à statuto ecclesiæ distinctam & determinatam, non potest, nec debet exercere munia, quæ spectant ad dignitatem ac præbendam sacerdotalem, eò vel maxime, quòd à speciali statuto talis ecclesiæ præcisè disponatur, quòd ejusmodi functiones exerceantur per turnum à dignitatibus & canonicis habentibus præbendas sacerdotales; dignitas enim Archidiaconalis in hac ecclesia non est destinata ad hac munia obtinenda; cum non requirat ex sui institutione sacerdotium. Unde, si illud suscipiat, non exinde exercere potest ea, quæ ex tali speciali statuto ordinata sunt dignitatibus (etsi aliàs eo inferioribus) & Canonicis habentibus ex instituto annexum sacerdotium; eo quòd qualitas illa sacerdotalis superaddita pro libitu & devotione Archidiaconatus non sit habenda in consideratione in ordine ad dictas functiones, in quibus attenditur solum dignitas, cui ea inest ex necessitate, seu vi statuti. Pignat. *loc. cit. n. 11.* Confirmat hoc ipsum Pignat. *num. 14.* vel ex hoc ipso, quòd aliis excogitari nequeat finis distinctionis illius dignitatum & præbendarum in diaconales & sacerdotales, quam ut in solemnis celebratione per integrum corpus obtinentium distinctos ordines adimpleatur, ita ut habens annexum ordinem diaconatus officium Diaconi impleat, dum aliàs inutilis videri posset dicta dignitatum & præbendarum distinctio, si omnes dignitates & Canonici quo ad functiones illas celebrationis solemnis uniformiter se gererent. Item confirmat idem *n. 13.* ex ipsa praxi Ecclesiæ Romanæ in ipsis Cardinalibus; dum qui Cardinalatum diaconalem habet, tantum exerceat, quæ sui, & non quæ alterius sunt ordinis; licet aliàs non solum sacerdotali sed & episcopali Characterè sit insignitus. Neque his obstat, quòd per hujusmodi statutum videatur tolli jus commune, quo videtur disponi, Archidiaconum, modò sit Sacerdos, præferendum esse in his functionibus ceteris dignitatibus, ut dictum supra juxta doctrinam Hostiensis. Nam statutum contra aliquem specialiter conditum tenet in ejus præjudicium. Sed neque ejusmodi statutum tollit jus commune, dum mandat in materia & exercitio hujusmodi functionum, ut stetur consuetudini hujus ecclesiæ, quia id ipsum disponit jus commune. Unde licet absente Episcopo celebratio Missarum & hujusmodi alia spectent de jure ad Archidiaconum, dum is est Sacerdos, id tamen non procedit stante dispositione statutaria in contrarium, vel legitima consuetudine ecclesiarum; dum etiam consuetudo talis vel dispositio specialis super hoc præservatur in ipso ceremoniali Romano. *L. 2. c. 17.* Pignat. *loc. cit. n. 16. & 17.* similiter juxta dicta à nobis supra.